

ХҮХЭ БУХАНУУД

Нюдэн соомни жэжэхэн юумэн орошобо. Тэрэнээ гаргаһаар байтарни, нүгөө нүдэндэмни жэжэхэн юумэн баһа орошобо.

Модон тээһээ хибэдэһэ һалжинай нам тээшэ хийдхүүлэн асаржа байһыень ажаглабаб. Һалхи өөдэ харахадаа, тон бишыхан хоёр хүхэ бухануудые харажархиваб.

Хүхэ буханууд хуурай модо хушуугаараа нүхэлжэ байба. Тэдэнэр үмхи модон сооһоо хорхой олоод, эдижэ байба.

Ехэ түргөөр хүдэлмэригжэ, шубуухай минии хараһаар байтар, модо руу улам саашаа орожол байба. Удабашьегүй нэгэ хүхэ бухын гансал һүүлынь үлэбэ.

Би тэрэ модондонь һэмээхэнээр маряжа ошоод, һүүлэйнь булгайхадажа байһан газарыень гарайнгаа альгаар бүглэжэрхивэб. Тэрэ шубуухай гансата үхэшэн юм шэнги болошобо. Би альгаа абаад, хургаараа һүүлдэн хүрөөд абабаб — нэгэшье хүдэлэнгүй хэбтэнэ. Хургаараа нюрга уруунь эльбэбэб — үхэнэн юм шэнги хэбтэнэ.

Тэрэ үедэ нүгөө хүхэ бухань модоной гэшүүһэн дээрэ һуугаад, абяа гарасагаажа байба. Хүдэлэнгүй хэбтэ гэжэ нүхэртөө тэмдэг үгэжэ байһан шэнги һэн.

Би тэрэ шубуухай ехээр зобоонгүй, хажуу тээшээ болобоб.

Тиихэдэмни сүлөө байгша шубуухайнь тон тусгаар ондоогоор абяа гараадхиба.

Нүхэн соохи шубуунай һүүлынь үгы болошобо. Тиигээд шубуухай хара һудалтай толгойхоноо булгайлгажа, абяа гараад, тэндэһээ ниидэн гарашаба.

Хүхэ буханууд модоной орой дээрэ һуугаад, нам тээшэ хаража байбад. Би саашаа ошонгүй, тэндээл зогсожо байбаб. Тэдэ шубуухайнуудни абяа гараад, ниидэжэ ябашоо һэн.